

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

**Foru Agindua 151/2022 martxoaren 14koa. Onestea turismo jarduera gastuei aurre egiteko ezohiko laguntzen deialdia turismo sektoreko ETEentzat eta autonomoentzat 2022ko ekitaldian**

Enplegu, Merkataritza eta Turismo Sustapenaren eta Foru Administrazioaren Sailaren egitura organikoa eta funtzionala onesten duen Diputatuen Kontseiluaren ekainaren 1eko 23/2021 Foru Dekretuak 8. artikuluan xedatzen du Enplegu, Merkataritza eta Turismo Sustapenaren eta Foru Administrazioaren Zuzendaritzari dagokiola lanbide kualifikazioa eta enplegagarritasuna hobetzeko prestakuntza ekintzak sustatzeko ekintzak eta ekimenak proposatzea eta haiek gainbegiratzea, bai eta lanbide heziketako zentroak eta Arabako beste erakunde batzuk hobetzea, autonomoei laguntzea, txikizkako merkataritza garatzea eta laguntzea, eta turismoa eta artisau jarduera sustatzea ere.

Azken hamarkadan, Arabako Lurralde Historikoan turismoak hazkunde etengabea, egonkorra eta iraunkorra izan du. Hala ere, COVID-19ak eragin oso negatiboa izan du turismoan, mugikortasunaren murrizketaren, kontsumoaren beherakadaren, aire konexioen gutxitzearen eta airelineen eta bitartekaritzaren krisiaren ondorioz.

Alarma egoeraren jarraikako dekretuek eta COVID-19ak eragindako osasun larrialdiaren ondorioz merkataritza jarduerak murrizteko gainerako neurriek enpresa egituraren eragin dituzten ondorio ekonomikoak gutxitzen laguntzeko, alarma egoeraren deklarazioak eta ondorengo osasun alertako arauak ezarritako debekuek zuzenean edo zeharka eragindako turismo sektoreko autonomoei eta enpresei dagokienez, sail honek erabaki du deialdi publiko bat abiaraztea, osasun alarmaren garrantzia murriztu ondoren gure lurraldeko ekonomia ahalik eta lasterren suspertzea lortzera bideratutako laguntzak emateko. Horretarako, likidezia emango die hemen kokatutako turismo sektoreko enpresa eta autonomoei, enpresa betebeharrak betetzen eta jarduerari eta enpleguari eusten laguntzeko, bai eta diru sarreren murrizketa zorrotza arintzeko ere.

Horrela, Arabako Lurralde Historikoan COVID-19aren eragin ekonomiko eta sozialaren aurrean turismo eskaera berpizteko xedearekin, eta enpresen sektore turistikoaren jarraipena eta garapena sustatzeko, Enplegu, Merkataritza eta Turismo Sustapenaren Zuzendaritzak tresna bat aktibatu nahi du enpresa txiki eta pertsona autonomo horietako batzuei laguntzeko, sektore osoaren ehuneko handi bat baitira eta egoera benetan larrian baitaude.

Ekonomiaren arloan, Enplegu, Merkataritza eta Turismo Sustapenaren Zuzendaritzaren lehen tasun erabatekoa da euskal turismo-sektorea babestea eta laguntzea, kaltea minimizatzen eta, osasun alarma amaitutakoan, Arabako turismo sektorearen jarduera ahalik eta lasterren suspertzea lortzeko.

Horrela, Arabako turismo sektoreko ETEei eta autonomoei turismo jarduera gastuei aurre egiteko laguntzen deialdi honek hainbat erakundek hartutako neurri ekonomikoen multzoa osatzen du, eta, beraz, horiekin guztiekin bateragarria da.

Horregatik guztiagatik, eta ahalik eta zabalkunderik handiena emateko eta publizitatearen, lehiaren eta objektibotasunaren, eta berdintasunaren eta diskriminaziorik ezaren printzipioak betetzeko, laguntza jaso nahi duten eskabideek bete beharreko laguntza deialdia ezartzen da.

Horregatik, eta dagozkidan eskumenez baliatuz, honako hau

## XEDATZEN DUT

Lehenengoa. Onestea 2022ko ekitaldian turismo jarduera gastuei aurre egiteko ezohiko laguntzen deialdia Arabako turismo sektoreko ETEentzat eta autonomoentzat, gehienez 71.870,00 euroko zuzkidurarekin. Deialdia Foru Agindu honi erantsi zaio.

Bigarrena. Deialdi hori arautu da kontuan hartuta Arabako Foru Aldundiko Enplegu, Merkataritza eta Turismo Sustapenaren eta Foru Administrazioaren Saileko Enplegu, Merkataritza eta Turismo Sustapenaren Zuzendaritzak norgehiagoka bidez dirulaguntzak ematea arautzen duten oinarri orokorrak (Foru Gobernu Kontseiluaren azaroaren 12ko 49/2019 Foru Dekretua) eta foru agindu honen I. eranskinean xedatutakoa.

Hirugarrena. Foru Agindu honek arautzen dituen dirulaguntzak Arabako Foru Aldundiaren 2022ko ekitaldirako aurrekontuko 30502G/432300/47900301 partidaren kontura ordainduko dira, zeina 71.870,00,00 euroko zenbatekoaz horniturik baitago (xedapen erreferentzia: 105.988/000).

Deialdi honen hasierako hornidura hasierako aurrekontuaren ehuneko 100 handitu ahalko da, gehienez, dagozkion aurrekontu transferentzien bitartez, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

Laugarrena. Bat etorritz Administrazio Publikoen Administrazio Prozedura Erkidearen urriaren 1eko 39/2015 Legeak 123. artikuluan xedatutakoarekin, administrazio bidea agortzen duen ebazpen honen aurka aukerako berraztertze errekurtsoa aurkez dakioke Enplegu, Merkataritza eta Turismo Sustapenaren eta Foru Administrazioaren Saileko foru diputatuari, ebazpena jakinarazi eta hurrengo egunetik hilabete igaro baino lehen, edo, bestela, zuzenean aurkatu daiteke Gasteizko administrazioarekiko auzietarako epaitegien aurrean, ebazpena jakinarazi eta hurrengo egunetik bi hilabete igaro baino lehen.

Bosgarrena. Foru agindu hau ALHAOn argitaratuko da, eta argitaratu eta hurrengo egunetik aurrera izango ditu ondorioak.

Vitoria-Gasteiz, 2022ko martxoaren 14a

*Merkataritza eta Turismo Sustapenaren eta Foru Administrazioaren Saileko foru diputatua*  
**CRISTINA GONZÁLEZ CALVAR**

*Enplegu, Merkataritza eta Turismo Sustapenaren zuzendaria*  
**JUAN FELIPE GARCÍA MIRAVALLS**

**ERANSKINA****TURISMO JARDUERA GASTUEI AURRE EGITEKO LAGUNTZEN DEIALDIA ARABAKO  
TURISMO SEKTOREKO ETE-ENTZAT ETA AUTONOMOENTZAT 2022KO EKITALDIAN****1. artikulua. Xedea**

Deialdi honen xedea da Arabako turismo sektoreko autonomoei eta enpresei laguntzea, 2022ko ekitaldian turismo sustapeneko jarduera gastuak edo gastu korranteak estaltzeko.

**2. artikulua. Aurrekontu partidak eta gehieneko zenbatekoa**

2.1. Foru Agindu honen bidez arautzen diren dirulaguntzak Arabako Foru Aldundiaren 2022ko ekitaldiko aurrekontuetako partida honen kontura ordainduko dira: 30502G/432300/47900301 (zorpekin erreferentzia: 105.988/000). Partida hori 71.870,00 euroko zenbatekoaz dago hornituta.

2.2. Deialdi honen hasierako hornidura hasierako aurrekontuaren ehuneko 100 handitu ahalko da, dagozkion aurrekontu transferentzien bitartez, baldin eta Enplegu, Merkataritza eta Turismo Sustapenaren Zuzendaritzaren beste partida batzuetan gerakinik badago.

**3. artikulua. Onuradunak**

3.1. Laguntza lerro honetan jasotzen diren onurak honako hauek eskura ditzakete:

a) Enpresa txiki eta ertainak, sozietate xedea dela-eta beren jarduera turismoaren sektorean gauzatzen dutela egiaztatzen dutenak, edozein dela ere haien konfigurazio juridikoa. Foru Agindu honen ondorioetarako, ETEtzat hartuko dira eskabidea aurkezten duten egunean baldintza hauek betetzen dituzten enpresak:

- Soldatapeko 250 langile baino gutxiago izatea.
- Eta gutxienez honako bi betekizun hauetako bat betetzea:
- Urteko negozio bolumena 50 milioi euro baino gutxiago izatea.
- Urteko balantzea 43 milioi euro baino gutxiago izatea.

b) Turismo sustapenean diharduten autonomoak.

3.2. Aurreko puntuan adierazitako ETEen eta autonomoen jarduera honako tipologia haue-tako batean kokatu beharko da:

- Ostatu turistikoak (hotel, apartamentu turistikoak, kanpinak, nekazaritza turismoko esta-blezimenduak, landetxeak eta aterpetxeak).
- Etxebizitza eta logela turistikoen titularrak diren pertsona juridikoak.
- Bidaia agentziak.
- Jarduera nagusizat turismo garraioa duten enpresak.
- Turismo aktiboko enpresak.
- Kongresuak antolatzen dituzten enpresa profesionalak (OPC direlakoak).
- Turismo gidariak.

3.3. Gainera, pertsona fisiko edo juridiko onuradun horiek honako baldintza hauek bete beharko dituzte:

- Enpresa jardueraren egoitza fiskala Arabako Lurralde Historikoan egotea eta lantokia bertan egotea.

– Ogasunarekiko eta Gizarte Segurantzarekiko betebeharrak egunean izatea, 58/2004 Foru Dekretuan ezarritakoaren arabera, bai dirulaguntza emateko ebazpenaren aurretik, bai dirulaguntza jaso aurretik.

3.4. Beren-beregi baztertuko dira Arabako Foru Aldundiaren 2022ko ekitaldirako aurrekontuan Enplegu, Merkataritza eta Turismo Sustapenaren Zuzendaritzaren dirulaguntza izendunen bat jaso duten eskatzaileak (dirulaguntza esleitzeko garaian hitzarmena izenpetuta egon edo ez), baita laguntza lerro honetako lehenagoko deialdien bidez emandako dirulaguntzak ezarritako epean egin edo justifikatu ez dituztenak ere, salbu eta baldintza hori ez betetzeko arrazoiak nahikoa justifikatuta badaude Enplegu, Merkataritza eta Turismo Sustapenaren Zerbitzuaren iritziz.

3.5. Ezingo dira dirulaguntza hauen onuradun izan onarpen prozesuan edo funtzionamenduan sexu diskriminazioa egiten duten entitateak, hala xedatzen baitu Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legearen 24.2 artikulua.

#### **4. artikulua. Dirulaguntza jaso dezaketen gastuak**

4.1. Diruz lagundu ahalko dira proiektuak abian jartzeko inolako zalantzarik gabe lagungarriak diren gastuak, beharrezkoak direnak eta ezarritako epean egiten direnak, hala nola:

– A) Zerbitzu turistikoak (bisita gidatuak, bizikleten alokairua...) kontratatze lineako merkaturatze sistemak hobetzeko edo abian jartzeko gastuak.

– B) Lineako publizitateari dagozkion gastuak (Google adwords, sare sozialetako publizitatea, beste webgune batzuetako publizitate gastuak, merkatu segmentu espezifiko edo espezializatuari zuzendutakoak izan ezik) eta, oro har, Interneteko posizionamenduari edo presentzia handitzeari dagozkion gastuak.

– C) Turismoa sustatzeko materialak diseinatu, egin, maketatu eta itzultzeko gastuak, gehienez 2.000,00 euro.

– D) Ekitaldi turistiko bakarra sortu, hobetu, antolatu, sustatu eta merkaturatzeko gastuak, hau da, aurrez antolatutako gertaera, arrazoi pertsonal edo profesionalak direla eta ohiko bizilekutik kanpo dauden pertsonak mobilizatzeko gaitasuna duena.

– E) Bisita gidatuak egiteak sortutako gastuak.

– F) Erabilerarako ingurumen planak eta/edo kudeaketa adimentsuen eta/edo jasangarrien ereduak.

– G) Turismoko web orriak diseinatzea, eguneratzea eta itzultzea.

– H) Legez eraturako ostalaritza eta turismo elkarteetako afiliazio gastuak, izan elkarte horiek tokikoak, eskualdekoak edo lurraldekoak.

4.2. Gastu hauengatik ez da dirulaguntzarik emango:

– Sustapenerako materialaren inprimaketa gastuak.

– Erakundea sustatzeko materiala (bideoak barne), Enplegu, Merkataritza eta Turismo Sustapenaren Zerbitzuaren iritziz ez badute turismo eduki garrantzikorik.

– Lokala atontzeko gastuak, seinaleak jartzeak eragindako gastuak, ez eta eraikinetako instalazioenak ere.

– Korporazioetako web orriak diseinatzea, eguneratzea eta itzultzea, baldin eta Enplegu, Merkataritza eta Turismo Sustapenaren Zerbitzuaren iritziz ez badute helburu nagusi turismoa sustatzea.

– Horniduraren eta material inbentariagarria jartzearen gastuak.

– Material ez suntsikorraren gastuak eta inbertsio gastuak, materiala nahiz immateriala izan.

- Prestakuntzarekin zerikusia duten gastuak, edozein eratakoak.
- Ibilgailuetan eta establezimenduetan errotuluak jartzeko gastuak.
- Turismo sustapeneko materialaren banaketa fisikorako gastuak.
- Funtzionamenduko gastu arruntak, hala nola alokairuak, argia, telefonoa, aldizkarietarako harpidetzak, aseguruak eta bulegoko materiala.
- Erakunde eskatzailearen barruko langile gastuak.
- Higiezinaren alokairu gastuak.
- Azoketara joateko gastuak.
- Interneten sartzeko kuotak, aldizkako informazio buletinak eta aldian aldiko gainerako gastuak.
  - Merchandising materialak (sustapenerako materialak) erostea eta banatzea.
  - Kalitate ziurtagirien gastuak eta ziurtagiria eman duen erakundeak fakturatutako ikuskaritza gastuak. Lehendik eskuratutako kalitate ziurtagiriei eusteko edo berriztatzeko gastuak.
  - Sustapen ekitaldien gastuak (lunchak eta otorduak), salbu eta ekitaldi jakin baten parte badira eta horien zenbatekoa ekitaldiak sortutako gastu guztien ehuneko 15 baino handiagoa ez bada.
  - Xede nagusizat kirola eta/edo kultura sustatzea daukaten ekitaldiak.
  - Lehiaketak oro har, antolaketa barne.
  - Babesle gastuak.
  - Telefono terminalak eskuratzea, nahiz eta aplikazio informatikoak izan.
  - Zerga, lan, kontabilitate, lege zein administrazio aholkularitza.

4.3. Tributuak diruz lagundu daitezkeen gastuak izango dira, baldin eta onuradunak ordaindu egiten baditu. BEZa eta gainerako zeharkako zergak, berreskuratu edo konpentsatu ahal badira, ez dira inolaz ere diruz lagunduko, eta errentaren gaineko zerga pertsonalak ere ez.

4.4. Eskatzailearen eta hornitzailearen arteko lotura badago, gasturako dirulaguntza emango da baldin eta hiru eskaintza eskatzen badira zerbitzua edo inbertsioa egiteko, eta, eskaintzarik merkeena hautatu ezean, horren arrazoiak justifikatzen badira.

4.5. Diruz lagundu daitezkeen aurrekontuaren ehuneko 100eraino azpikontratatzea baimentzen da, betiere Arabako Lurralde Historikoko Dirulaguntzen urriaren 19ko 11/2016 Foru Arauak 27. artikuluan ezarritako baldintzak betetzen badira.

4.6. Proiektu beraren barruan Enplegu, Merkataritza eta Turismo Sustapenaren Zerbitzuaren iritziz turismoa sustatzen nahikoa laguntzen ez duten jarduketak badaude, baztertu egin daitezke esleitu beharreko dirulaguntza kalkulatzeko.

#### **5. artikulua. Aplikazio eremua eta jarduerak gauzatzeko epealdia**

Deialdi honen onuradunak diren erakundeek 2022ko urtarrilaren 1etik 2022ko azaroaren 25era (biak barne) bitarteko aldi egin beharko dituzte gastuak.

#### **6. artikulua. Dirulaguntzen zenbatekoak eta mugak**

6.1. Foru agindu honetan jasotzen diren laguntzak diruz lagundu daitezkeen aurrekontuaren ehuneko 50eraino iritsiko dira (ikus Foru Gobernu Kontseiluaren 49/2019 Foru Dekretua, azaroaren 12koa, 7.3 oinarri orokorra). Nolanahi ere, dirulaguntzaren gehieneko zenbatekoa 6.000,00 eurokoa izango da onuradun bakoitzeko.

6.2. Hala ere, deialdia ebatzitakoan ez bada 2.1 artikuluan jasotako aurrekontu kreditua agortu, sortutako gerakina erabili ahalko da, hainbanaketaz ehuneko 70eraino handitzeko onuradun bakoitzaren dirulaguntza ehunekoa.

6.3. Laguntza eskatzen duen erakundea Enplegu, Merkataritza eta Turismo Zuzendaritzaren beste laguntza programa batzuetako laguntza baten onuraduna izan bada programa honen kontura onartutako proiektuen antzeko beste batzuetarako, diruz lagundu daitekeen oinarria egokitu egingo da, arautegi honetan ezarritako gehieneko dirulaguntza ez gairatzeko.

6.4. Eskaerak dirulaguntza jaso ahal izan dezan, proposatutako dirulaguntzaren gutxieneko zenbateko hau ezartzen da, esleipena egiten den unerako: 1.000,00 euro.

### **7. artikulua. Prozedura bideratzeko eskumena duten organoak**

7.1. Prozedura Enplegu, Merkataritza eta Turismo Sustapenaren Zerbitzuak bideratuko du.

7.2. Balorazio Batzordea honela egongo da osatuta:

Batzordeburua: Enplegu, Merkataritza eta Turismo Sustapenaren zuzendaria, edo hark eskuordetzen duen pertsona.

Batzordekidea: Enplegu, Merkataritza eta Turismo Sustapenaren Zerbitzuaren burua, edo hark eskuordetzen duen pertsona.

Idazkaria: Enplegu, Merkataritza eta Turismo Sustapenaren Zerbitzuko teknikari bat.

### **8. artikulua. Eskaerak aurkezteko epea eta modua**

8.1. Eskaerak hauetan aurkeztuko dira:

– Arabako Foru Aldundiaren Erregistro Orokorra.

– Foru Ogasunak Gasteizen, Laudion eta Guardian dituen bulegoetako erregistroa.

– Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritako gainerako erregistroetatik edozein. Hala ere, Administrazio Publikoen Administrazio Prozedura Erkidearen 39/2015 Legearen 14.2 artikulua betez, honako hauek egoitza elektronikoa dagoen izapide zehatzaren bitartez telematikoki (<https://egoitza.araba.eus/eu/-/ayudas-turismo-actividad-pymes>) aurkeztera behartuta daude: pertsona juridikoak, nortasun juridikorik gabeko erakundeak, elkargoko kide izatea nahitaezkoa duen jarduera profesional batean dihardutenak, jarduera horretan egiten dituzten izapideetarako, eta administrazioarekiko harremana elektronikoki izatera behartuta dagoen interesdun bat ordezkatzeko dutenak.

Arabako Foru Aldundiaren egoitza elektronikoa zerbitzuak erabiltzeko, nahitaezkoa da modu telematikoa identifikatzea, ziurtagiri elektronikoa baten edo BAKO sistemaren bidez: <https://web.araba.eus/eu/egoitza-elektronikoa/ezagutu-egoitza/nola-sartu>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikoa: <https://web.araba.eus/eu/egoitza-elektronikoa/baimenak>.

8.2. Eskaerak aurkezteko epea deialdi hau ALHAOn argitaratu eta hurrengo egunetik aurrera hasiko da eta 2022ko apirilaren 13ko 14:00etan amaituko da.

8.3. Erakunde eskatzaileek egoitza elektronikoa zehaztutako eskaera inprimakia bete beharko dute eta honako agiri hauek erantsi:

– a) Eskatzailearen jardueraren memoria (jardueraren xedea) eta dirulaguntzaren xede diren jardueren memoria.

– b) Lana egingo duen edo egin duen kanpoko profesionalaren edo hornitzailearen eskaintzaren fotokopia (proformako edo behin betiko fakturak, kanpoko aurrekontua edo, halakorik balego, kontratu sinatua).

– c) Eskatutako 3 eskaintzen fotokopiak, aholkularitzako edo laguntza teknikoko enpresei 15.000,00 euroko edo gehiagoko zerbitzuak eskatu bazaizkie. Horrekin batera, hautatu den eskaintza ez bada ekonomikoki onuragarriena, zergatik aukeratu den azaltzen duen justifikazioa. Proiektua gauzaten hasitakoan, diruz lagundutako ekintzaren baten benetako gastuak 15.000,00 euroko muga gainditzen badu, nahiz eta gastua onetsi zenean zenbatekoa txikiagoa izan, hiru eskaintza aurkeztu beharko dira.

– d) Dirulaguntza honetarako eskatutako jardueretarako beste diru sarrera batzuk lortu eta/edo eskatu badira, diru sarrera horien edo eskaeraren justifikazioa aurkeztu beharko da.

– e) IFZ edo NANA, pertsona autonomoak badira.

– F) Sozietatearen eraketa eskriturak, edo jarduera ekonomikoen gaineko zergan alta emanda dagoela jasotzen duen inprimakia, garatutako turismo jarduerari dagokion epigrafean, pertsona autonomoaren kasuan.

8.4. Pertsona fisiko edo juridiko eskatzaileak baliozkotzat joko ditu Enplegu, Merkataritza eta Turismo Sustapenaren Zuzendaritzako laguntza eskabidearen eredian identifikatutako harremanetarako pertsonaren helbide elektronikora bidalitako jakinarazpen guztiak.

8.5. Dirulaguntzaren eskaera aurkezteak berekin ekarriko du organo kudeatzaileari baimena ematea Ogasunarekiko eta Gizarte Segurantzarekiko egoera ziurtagiriak eskatzeko, bai eta informazioa ematea ere ea Ogasunean sartu den pertsona fisikoen errentaren gaineko zergaren konturako atxikipenen zenbatekoa (profesionalek jaulkitako fakturen kasuan soilik).

### 9. artikulua. Proiektuak hautatzeko eta balioesteko irizpideak

9.1. Aurkeztutako jarduerak, oro har, ondoren adierazten diren irizpide eta puntuazioen arabera balioetsiko dira:

a) Proiektuaren berrikuntza maila, oro har, eta zein neurritan laguntzen duen turismo eskaintza dibertsifikatzen (30 puntu gehienez).

Proiektuak, oro har, izaera berritzaile handia du, eta eskatzailearen turismo eskaintza dibertsifikatzen laguntzen du	30 puntu
Proiektuak, oro har, izaera berritzaile handia du, eta eskatzailearen turismo eskaintza dibertsifikatzen laguntzen du maila ertainean	20 puntu
Proiektuak, oro har, izaera berritzaile nabarmena du, edo eskatzailearen turismo eskaintza dibertsifikatzen laguntzen du	10 puntu
Proiektuak ez du izaera berritzaile nabarmenik eta ez du eskatzailearen turismo eskaintza dibertsifikatzen laguntzen	5 puntu

b) Aurreko ekitaldietan emandako dirulaguntzen xedeak zenbateraino gauzatu eta bete diren (20 puntu gehienez).

Gauzate eta betetze maila oso handia (ehuneko 85 baino gehiago onartuta, esleitutakoaren aldean) edo alde zuzenetik dirulaguntzarik ez duena	20 puntu
Gauzate eta betetze maila handia (ehuneko 50 edo gehiago onartuta, esleitutakoaren aldean)	15 puntu
Gauzate eta betetze maila txikia (ehuneko 50 baino gutxiago onartuta, esleitutakoaren aldean)	5 puntu
Ez da esleitutako ezer gauzatu	0 puntu

c) Proiektuaren kalitate teknikoa. Proiektu guztiaren justifikazioaren, haren helburuaren, metodologiaren, planifikatutako jardueren eta aurreikusitako jarraipenaren eta ebaluazioaren arteko lotura. Aurkeztutako proiektuaren koherentzia orokorra (gehienez, 15 puntu).

Proiektua, oro har, koherentea da jarduera guztietan	15 puntu
Proiektua, oro har, koherentea da jarduera gehienetan	10 puntu
Proiektua, oro har, ez da koherentea	5 puntu

d) Aurkeztutako eskaeraren definizio eta kalitate maila eta edukia, eta hura aztertzeko beharrezkoak diren agiri guztiak hasieratik bertatik aurkeztu izana (15 puntu gehienez).

Eskaera aurkezteko unean telematikoki osorik aurkeztutako eskaerak	15 puntu
Eskaera aurkezteko unean telematikoki ez osorik aurkeztutako eskaerak	12 puntu
Eskaera aurkezteko unean osorik eta ez telematikoki aurkeztutako eskaerak	7 puntu
Eskaera modu ez telematikoa aurkeztu da eta aurkezteko unean hura ez zegoen osorik, baina geroago osatu da, eta enpresa proiektuaren zehaztasun eta definizio maila handia izan da	4 puntu
Eskaera aurkezteko unean modu ez telematikoa eta ez osorik aurkeztutako gainerako eskaerak	0 puntu

e) Goi denboralditik kanpoko ekitaldi bat egitea (goi denboraldia: uztaila, abuztua, Aste Santua eta zubiak) (10 puntu gehienez).

Abendua-martxoa	10 puntu
Apirila-maiatza / urria-azaroa	7 puntu
Ekaina eta iraila	5 puntu
Ekitaldirik ez edo data zehaztu gabe duen ekitaldia	0 puntu

f) Enpresa edo pertsona autonomo eskatzailearen jardura mota nagusia: (10 puntu gehienez).

Bestelako turismo jardura	10 puntu
Ostatua	5 puntu
Jatetxeak eta ostalaritza	0 puntu

9.2. Edonola ere, lerro honetako dirulaguntzen onuraduntzat eman ahal izateko, eskatzaileak deialdi honetako 3. artikuluan ezartzen diren betekizun guztiak bete beharko ditu eta, horrez gainera, aurkeztutako jarduketan multzoak gutxienez 50 puntu lortu beharko ditu balorazioan.

9.3. Onuradunak hautatzeko eta bakoitzari dagokion zenbatekoa zehazteko, Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoari jarraituko zaio.

## 10. artikulua. Ebazteko eta jakinarazteko epealdia

10.1 Organo eskudunak, Balorazio Batzordearen proposamenez, dagozkion ebazpenak emango ditu. Ebazteko epea Foru Gobernu Kontseiluaren azaroaren 12ko 49/2019 Foru Dekretuaren seigarren oinarrian ezarritakoaren arabera arautuko da.

10.2. Ebazpen horiek, ahal dela, baliabide elektronikoen bitartez jakinaraziko dira, eta ezinezkoa bada, gutun ziurtatuaren bidez, Administrazio Publikoen Prozedura Erkidearen urriaren 1eko 39/2015 Legearen 41. eta 42. artikuluetan xedatutakoa aintzat hartuz.

10.3. Jakinarazitako ebazpen horrek administrazio bidea agortzen du, baina, Administrazio Prozedura Erkidearen urriaren 1eko 39/2015 Legearen 123. artikulua xedatzen duenaren arabera, aukerako berraztertzeko errekurtsoa aurkez dakioke Foru Gobernu Kontseiluari, egintza jakinarazi ondorengo egunean hasi eta hilabete igaro baino lehen, edo, bestela, zuzenean aurkaratu daiteke Gasteizko administrazioarekiko auzietarako epaitegien aurrean, egintza jakinarazi ondorengo egunean hasi eta bi hilabete igaro baino lehen.

## 11. artikulua. Dirulaguntzak justifikatzea eta ordaintzea

11.1. Dirulaguntzen likidazioa kasuan kasuko administrazio ebazpenean adierazten den bezala egingo da, bertan zehazten diren betekizun eta baldintza guztiak bete ondoren.

11.2 Dirulaguntzak bitarteko elektronikoen bidez justifikatu behar dira, Arabako Foru Aldundiaren egoitza elektronikoen bitartez erabil daitekeen erregistro elektronikoa.



Dirulaguntzaren justifikazio gisa elektronikoki aurkeztutako dokumentuek bat etorri beharko dute jatorrizkoekin, zeina interesdunaren esku egongo baita, eta Enplegu, Merkataritza eta Turismo Sustapenaren Zerbitzuaren eskura egon beharko du hala eskatzen zaionean.

Bat etorritz Administrazio Publikoen Administrazio Prozedura Erkidearen urriaren 1eko 39/2015 Legeak 28.7 artikuluan ezarritakoarekin, erakunde onuraduna da aurkeztutako dokumentazioa egiazkoa izatearen arduraduna.

11.3. Arabako Foru Aldundiak dirulaguntzaren zenbateko justifikatua ordaintzeko betebeharrak onartzeko, onuradunak agiri hauek aurkeztu beharko ditu 2022ko azaroaren 25eko 14:00ak baino lehen:

- Egindako jarduketan/inbertsioen memoria.
- Justifikazio fakturen zerrenda; honako hauek jaso behar ditu: hartzekoduna, zenbatekoa, jaulkipen data eta ordainketa data, ordainduta badago.
- Ordainagiriak eta gainerako frogak-agiri baliokideak.
- Hiru eskaintza eta, eskaintzarik merkeena aukeratu ez bada, horren arrazoiak azaltzen dituen justifikazio txostena (bakar-bakarrik partidaren batek eskaera egiteko garaian hiru eskaintza aurkeztera behartzen ez bazuen eta geroago benetako gastuak ezarritako 15.000,00 euroko mugara heldu edo hortik gorakoak izan badira).
- Hauei buruzko informazioa jasotzen duen erantzukizunpeko adierazpena:
  - a) Aurkeztutako datuak egiazkoak direla eta aurkeztutako kopia jatorrizko dokumentuekin bat datozela.
  - b) Dirulaguntza honetaz gainera, hemen diruz lagundutako kontzeptuetarako beste diru sarrera edo dirulaguntza batzuk lortu diren. Baiezkoa bada, diru sarrera horien justifikazioa aurkeztuko da, zenbatekoa eta jatorria adierazita.

Faktura elektronikoki aurkeztuz gero, Factura-e motako estandarren arabera izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektronikoki kualifikatuen eskaintzaileen konfiantzazko zerrendan jasotako ziurtagiriak: <http://sede.minetur.gob.es/Prestadores>.

Profesionalek emandako fakturen kasuan, erakunde onuradunak pertsona fisikoaren errentaren gaineko zergaren konturako atxikipenen zenbatekoa ordaindu beharko du. Kasu horretan, justifikatu beharreko ordainketa egin beharra onartuko da eta Arabako Foru Aldundiaren ardurazko izango da ordainketa horiek egiaztatzea eta bidezko justifikazio txostena egitea. Baldin eta, dirulaguntza ordaindu eta gero, egiaztatzen bada ez direla sartu egin beharreko atxikipenak, dirulaguntza itzultzeko eta hari dagozkion interesak ordaintzeko eskatuko da.

11.4. Onuradunak fakturak Enplegu, Merkataritza eta Turismo Sustapenaren Zerbitzuan 2023ko apirilaren 5aren 14:00ak baino lehen ordaindu izana justifikatu ondoren ordainduko du Arabako Foru Aldundiak dirulaguntzaren justifikatutako zenbatekoa. Formatu hauetako edozeinetan aurkeztu ahal izango da fakturak ordaindu izanaren justifikazioa:

- Banka elektronikoen bidez egindako banku laburpenak eta/edo transferentzia aginduak, ordainketaren ordaintzailea eta onuraduna, zenbatekoa eta data zehaztuta dutenak.
- Tiketak (faktura erraztuak), baldin eta Fakturazio Araubidearen 7. artikulua 2. eta 3. apartatuetan xedatutakoaren arabera egin badira (maiatzaren 28ko 18/2013 Foru Dekretua), hau da, ordaindu beharreko kopurua ordaindu dela frogatzen duten faktura erraztu kualifikatuak, jasotzen dutenak hartzailearen IFZ eta helbidea, baita esleitutako zerga kuota berezita ere, eta zehazten dutenak diruz lagundutako jarduna.
- Eskurako ordainketen kasuan, egiaztagiria sinatua eta/edo faktura egin duen erakundearen zigilu estanpatua duena joko da egiaztagiritzat, eta bertan faktura zenbakia, zenbatekoa eta ordainketa data zehaztuko dira, baldin eta zenbateko hori ez bada eskudirutan egindako ordainketei buruz 2022an indarrean dagoen araudian ezarritakoa baino handiagoa edo berdina.

11.5. Ez da onartuko eskudirutan ordaintzea 2022rako indarreko araudian ezartzen den zenbatekoa edo hortik gorakoa (edo horren kontrabalioa atzerriko dirutan).

Aurreko paragrafoan aipatzen den zenbatekoa kalkulatzeko, baldin eta ondasun ematea edo zerbitzua zatikatu bada, eragiketa edo ordainketa guztien zenbatekoak batuko dira.

11.6. Ordainketak arintzeko, unean unerako jarritako epemugak baino lehenago aurkeztu ahal izango dira agiriak.

11.7. Justifikatutako gastuak, guztira, diruz lagundu daitekeen aurrekontua adinakoak izan beharko dira, gutxienez. Diruz lagundu daitekeen aurrekontu horretara iritsi ezean, dirulaguntza proportzioan murriztuko da, eta dagokion kopurua baliogabetuko da.

11.8. Dirulaguntza jaso dezaketen kontzeptu eta zenbatekoetan aldaketak onartu ahalko dira, baldin eta hasieran onartutako diruz lagundu daitekeen aurrekontuaren muga gainditzen ez bada, eta dirulaguntza jasotzekoa zen kontzepturen bat egin gabe geratu bada ere. Desbideratze horiek Enplegu, Merkataritza eta Turismo Sustapenaren Zerbitzuaren oniritzia beharko dute, salbu eta funtsezko aldaketak egiten badira, halakoei Enplegu, Merkataritza eta Turismo Sustapenaren Zuzendaritzak eman beharko baitie oniritzia.

11.9. Baldin eta 6. artikuluan ezarritako dirulaguntza muga aplikatu bada, onargarria izango da diruz laguntzekoa den gastuan murrizketak egitea, esleitutako dirulaguntza aldatu gabe; alabaina, beharrezkoa izango da dirulaguntzaren xedea betetzea, eta errespetatzea diruz lagundutako gastuaren gutxienezko zenbateko justifikatu beharrezkoa, alegia, operazio honen emaitza: esleitutako dirulaguntzaren gehieneko zenbatekoa zati aplikatutako dirulaguntza ehunekoa.

11.10. Lehen aipatutako epeak igaro eta dirulaguntza ordaintzeko betebeharra onartzeko zein dirulaguntza ordaintzeko aurkeztu beharreko dokumentazioa aurkeztu ez bada, edo aurkeztu beharreko guztia aurkeztu ez bada, dirulaguntza gutxitu edo baliogabe utziko da, kasu bakoitzari dagokionaren arabera.

## **12. artikulua. Dirulaguntzen bateragarritasuna**

12.1 Oinarri arautzaile orokorrak onetsi zituen Foru Gobernu Kontseiluaren azaroaren 12ko 49/2019 Foru Dekretuak hamabigarren oinarrian ezartzen duena aplikatuko da. Gainera, jarduketek jaso ditzaketen gainerako laguntzak, edozein izanda ere laguntza mota eta hura ematen duen organoa edo administrazioa, bateragarriak izango dira foru agindu honetako laguntzekin, baldin eta, bai osotara, bai diruz lagundutako jarduera bakoitzean, laguntzen baturak ez badu gainditzen diruz lagundutako jardueraren kostua.

Era berean, laguntza hauek bateragarriak izango dira osasun krisia kudeatzeko hartutako neurrien ondorioz jarduera gutxitzeak ekarri dion galera ekonomikoa arintzeko onuradunak jaso ditzakeen itzuli beharrik gabeko zuzeneko dirulaguntzekin.

12.2. Dirulaguntza eskaera aurkeztu eta gero beste laguntzaren bat lortzen bada, ahalik eta lasterren eman beharko zaio horren berri, idatziz, Enplegu, Merkataritza eta Turismo Sustapenaren Zuzendaritzari, zeinak eskatutako laguntza murriztea edo ukatzea proposa baitezake.

12.3 Laguntzen deialdi honek bete egingo ditu Europako Batzordearen unean uneko erregelamendu indardunetan ezarritako "minimis" arauak. Horretarako, Europar Batasunaren Funtzionamenduari buruzko Tratatuaren 107. eta 108. artikulua minimis laguntzei aplikatzeari buruzko Europako Batzordearen abenduaren 18ko 1407/2013 (EB) Erregelamenduak 3.2 artikuluan adierazten du estatu kide batek enpresa bakar bati emandako minimis laguntzen guztizko zenbatekoa ezin dela izan 200.000,00 euro baino handiagoa hiru ekitaldi fiskaleko edozein alditan.

## **13. artikulua. Interpretazioa eta garapena**

Enplegu, Merkataritza eta Turismo Sustapenaren eta Foru Administrazioaren Saileko foru diputatuari ahalmena ematen zaio foru agindu hau zuzen garatzeko, aplikatzeko eta interpretatzeko beharrezko den xedapen oro onar dezan.

**14. artikulua. Eskaerak egokitzea**

Foru agindu honetan araututako dirulaguntza deialdian parte hartzerik ez duten hirugarren pertsonen jarduketak – dela erabaki honetan ezarritako baldintzaren bat betetzen ez dutelako, diruz laguntzea nahi den kontzeptuak diruz lagundu ezin direlako edo, Enplegu, Merkataritza eta Turismo Sustapenaren Zerbitzuaren iritziz, proiektu horiek Enplegu, Merkataritza eta Turismo Sustapenaren Zuzendaritzak aurten kudeatutako beste laguntza lerro batzuei hobeto egokitzen zaizkielako eta horrelakoren bat eskuratu ahal dutelako– dagokien laguntza lerrora eraman ahalko dira ofizioz.

**15. artikulua. Azken klausula**

Foru agindu honetan ezarritako prozedura Foru Gobernu Kontseiluaren azaroaren 12ko 49/2019 Foru Dekretuaren bidez onetsitako oinarri arautzaile orokorretan ezarritakoaren mende dago, bai eta honako hauek dirulaguntzei buruz xedatzen dutenaren mende ere: Arabako Lurralde Historikoko Dirulaguntzen urriaren 19ko 11/2016 Foru Araua; Dirulaguntzen azaroaren 17ko 38/2003 Lege Orokorra; uztailaren 21eko 887/2006 Errege Dekretua, zeinak Dirulaguntzen azaroaren 17ko 38/2003 Lege Orokorraren araudia onesten baitu, eta dirulaguntzei buruzko geroko xedapen guztiak.